

حقوقي بىلىملىك مجموعهسى

مۆھرىملىك : پارسى ھوقۇق فاكولتەتىنى دوقۇرى

آروقات مىللى غادفرانقو

ھىئت تھرىرىيە

موسىر آشپل مەستىر : پارسى ھوقۇق فاكولتەسى
مدرسلىرىدىن

موسىر شادغرىيە : پارسى ھوقۇق فاكولتەسى
فەنرى مدرسلىرىدىن

موسىر ۱. مالىم : ھوقۇق دول مجموعهسى
ھىئت تھرىرىيەسىدىن

باھر بىك : احضار قوائىن قومىيىسىنىڭ ھوقۇق فاكولتەسى
مھمۇد طلعت بىك : آروقات

موسىر ۲. پىلىپىنى : پارسى ھوقۇق فاكولتەسى
دوقۇرى

فؤاد مەلۇمى بىك : ھىكمت تەييارلىغۇچىلىرىدىن

صبرى بىك : عدلىيە ۋىكالىتى ھوقۇق ئىشلىرى مەدەنىي

مەسئۇلى رەئىس بىك : استانبول ھوقۇق فاكولتەسى
مدرسلىرىدىن

احمەد رەئىس بىك : استانبول اجرا رەئىسى

احمەد صەمىم بىك : استانبول ھوقۇق فاكولتەسى
مدرسلىرىدىن

موسىر شارل قروزا : استانبول ھوقۇق فاكولتەسى
مدرسلىرىدىن

آدرەس : غەلپەدە بىختيار خان آروقات مىللى غادفرانقو بىك بازىخانىسى
تەلپون : بىك اوغلى ۳۰۰۹

بەر نەسخەنىڭ بىلى ۳۵ غەرشىدەر

بىر سەنەك آتونمانى پۈستە اجرتىلە بىر بىر ۴۰۰ غەرشىدەر

تۈركىيە خارىجى ئىچۈن ۵۰۰ غەرشىدەر

كاغىدچىلىق ۋە مەتبەئەچىلىق ئاتۇنىم شىركىتى - استانبول

۱۹۲۷

حقوقی بیلگیلر مجموعه سی

هر آي اون بيشنده نشر اولنور

DOCTRINE

تَتَبُّعَات

حقوقی فکرلر — RÉFLEXIONS JURIDIQUES

مجموعه

بونسخه مجموعه مزك اون برنجی نسخه سیدر. كله جك نسخه ايله ايلك سنه بی تمام ایده جکز. اصولدندر: بلانچو زمانلرنده علاقه دارلر مداوله افکارده بولنورلر. قارئلر مزك تشکیل ایتدکلری حقوقی عائله آراسنده برآز حسب حال ایدلم. مملکتده باشلایان و حقیقی انقلابك حقیقی افاده سی اولان انقلاب حقوقی بی ترصین ایچون بربری اوستنه یکی قانونلرك نشریله اکتفا ایدلمه یهرك بوباده تبعدہ بولنق وعالم حقوقیمزی مطالعات و تدقیقاته سوق ایتك لزومنی ادراك ایتدیكم دقیقه دن اعتباراً بر مجموعه نك نشرینی دوشونمش ایدم. ایکی بویوك مشکل اوکنده بولوندم. قورقدیغم مشکللردن بریسی یازی قیطلغنه اوغرامق، یازی خصوصنده یاردمسز قالمق ایدی. ایکنجی مشكلده مصارفی قورو مامق ایدی. بوترددلرمی عرض ایتدیكم آرقداشلردن ایکی دوست یازی خصوصنده بی چوق تشجیع ایتدیلر. اولاهربری آیده بر مقاله ویره جکلردی. برارقداش دها توصیه ایده جکلر اوده آیده بر مقاله ویره جك ایدی. بنمده غیرتم انضمام ایدرسه آرتق مجموعه نك اك مهم قسمی تأمین ایدلمش اولوردی. مصارف مسئله سنه کلنجه برسنه تجربه ایدلمکجه حقیقی بر فکر

ایدینه مهیه جکندن برسنهک ضرره قاتلامق لازمدر، دیدیلر. بویکی آرقداشک فکرینی قبول وسوزلرینه کووه نه رک بوله چیقدم. همان سوبله یهیم که بویکی دوستمدن برسطر یازی آلمق ممکن اولمادی. مکتوبلر، رجالر، ستملر کار ایتهدی. مع هذاک زیاده قورقدیغ یازی قیطلنی جهتدن فضلّه مشکلاته معروض قلامدم. فی الواقع بن، دوشوندیکمدن زیاده اوغراشمغه مجبور اولدم. باخصوص اجتهدلری طویلامق ایچون چوق وقت ضایع ایتک ایجاب ایتدی. فقط برآز فداکارلقه ماهیه آلتش صحیفهک دکل یوز ویوزاللی صحیفهک مجموعه چیقارمغه امکان بوله بیله جکمه قناعت کتیردم. بوجهتدن، مملکت نامنه، موجب فخر برترقی اولدیغنی کوردیم. انتشار ایدن شو اون بر نسخه ده آرقداشر مزک همتی ویازیلرنده کی جدیت واصابتی قارئلر مزجه تقدیر بویورلدیغنه امینم.

فقط مادی جهتدن بودجهنک آچینی تصورمدن فضلّه در. آلتش صحیفهک مجموعه آز کلور. حالبوکه کوچوک مقیاسده بیلّه مجموعهنک بودجه سننده بویوک برآچیق واردر. معنوی تقدیرات کورو یورم. تشویقانه، التفاته مظهر اولو یورم. فقط بودجه یی قاپادامایورم. ایلك نسخه سننده عیناً شونی سوبله مش ایدم: «مجموعه دن بر استفاده مادیه بکله مه یوروز... مجموعه مز یازی قیطلغه، یاسنه سی نهایتنده تحملمز فوقنده برآچیغه معروض قالیرسه طبعی مجموعه یی قاپاده جفز؛ بزدن دها عزملی ودها تحملکار الله بو وظیفه یی ترک ایده جکز؛ هر حالده احوال فوق العاده یی برطرف ایده رک، مجموعه نک برسنه مدته یاشاماسنی تأمین ایده جک وسائطی احضار ایدلشدر. بومدت ظرفنده مجموعه نک دها فضلّه تکمل وتوسع ایتسی، دها اوزون یاشاماسی عدلیه وکالت جلیله سندن، ارباب قلمزدن وارباب حقوقدن کوره جکی معاونت وحمایه یه منوطدر. اعتراف ایتلمییم که جدی ومفید برمعاونت وحمایه کورمدم. بناءً علیه یکی برسنه ایچون ایشه صارلمق خصوصنده ایجه تردد ایدبیورم. تک باشنه، ذاتاً فضلّه جه مشغول برآدمک، برمجموعه یی چیقارماسی، تأمین ایده رم که، بویوک زحمتلره ممکن اولور. باخصوص «قانون مدنی رهبر» نیک ایکنجی جلدینک تحریر وطبعیه اوغراشلدیغنی برزمانده بوزحمت دها بویوکدر. هیچ اولمازسه ضررسز ایشی قاپاتمق امکانی بولونه ایدی مدار جسارت اولوردی. کرک بارومز، کرک عدلیه ومعارف وکالتلری نزدنده بعض تشبثلرده بولوندم. احتمال که آله جفم جوابلر بنی دوامه تسجیع ایدر. مع هذاکله جک نسخه ده قطعی قرارمی یازه جفم و برابرجه

يتشديد يكمز شو طفل نازينك آنجى برياللك حياه مظهر اولوب اولمايه جنى شو برآى
ظرفنده آكلاشيله جقدر .

قوانينك قانونه اساسيه موافقى

مجموعه مزك آلتنجى نسخه سنده « حقوقى فكر لر » قسمنده بواساسى تايد ايدن
دردنجى حقوق محكمه سنك برقرارندن اهميته بحث ايتمش ايدك . مسكرات انحصار اداره سنك
طلب ايتديكى جزاى نقديرك وحدت قضا پرهنسپنه نظراً محاكم جزائيه جه حكم ايدلسى
لرؤمنه دائر معطى قرار تميزاً نقض ايدلسى اوزرينه دردنجى حقوق محكمه سى اجتهاد
سابقنده اصرار ايتمش وبووسيله ايله « قانون اساسيه مغاير برماده قانونيه نك موجوديتى
تقديرنده دخى مابه التطبيق اتخاذ ايديله ميه جكنى » كان جسارتله تصريح بويورمش ايدى .
بودفعه هيئت عموميه جه اتخاذ ايديلوب « اجتهاد محاكم » قسمزده مندرج اولان اعلام
موجبجه هر نه قدر اصرار واقعه اصابت كورولميه رك حكم ابتدائى نقض ايديليورسده
محكمه عليه محكمه اصليه نك قويدنجى پرهنسپى قبول ايتشدر . زيرا ، اعلام تميزيده
كورولميه جكى وجهله « حادثه تشكيلات اساسيه قانونى احكامه مخالف بر جهت دخى
كورولمديكندن » بحث ايدلمكده در . يعنى محكمه تميز موضوع بحث قانونده تشكيلات
اساسيه مغاير بر حكم و معنا كورمش اوله ايدى اوده تطبيق يولنه كيتميه جك ايدى .
بزي او اعلامده واو مناقشه حقوقيه ده علاقه دار ايدن جهت يالكز بونقطه در . حقوق
شناسلره و حكامه محكمه عليامزك بونظريه سنى عرض ايتمكه ام القوانين اولان قانون
اساسيه مغاير بر قانونك تطبيقه حكامك مجبور طوتوله ميايه جنى بردها اثبات ايتمش
اولويورز . ذاتاً قانون اساسيمزك « تشكيلات اساسيه قانونك هيچ برماده سى هيچ برسبب
وبهانه ايله اهل و ياتعطيل اولنه مز . هيچ بر قانون تشكيلات اساسيه قانونه منافى اوله مز . »
ده ين ۱۰۳ نجى ماده سى بوقاعده يى تصريح صورتده وضع ايتمش ايدى .

بيدلسى غاد فرافقو